

名

山

藏

名山藏卷之

晉江何喬遠 撰

分藩記二

蜀王

湘王

代王

肅王

遼王

慶王

寧王

岷王

蜀獻王椿國成都母郭惠妃滁陽王女也王徇慧能文一目五行下關西堂延攬名士李叔荆蘇伯衡等商摧文史高帝呼爲蜀秀才旣之國聘方孝孺爲世子傳表之曰正學令國人師之造安車以賜長史陳南賓分成都學博士以月餼曰後世子孫皆如我餼

博士

陳南賓茶陵人洪武二年應聘至京師除無棣丞轉膠州同知所至先教化十一年遷國子助

教入

見高帝命講洪範九疇上大喜稱善書其姓名于殿柱二十二年擢蜀府長史隨事規諫王甚敬禮

之

王守西陲施惠而崇教西陲之人安焉天下言忠

孝仁義必歸王成祖卽位來朝辭歸賜勅獎慰賜鈔

二萬從官皆賜宴鈔有差王有所獻荔枝艾虎聚扇

香囊綵花諸物賜荅曰送至荔枝諸物具見厚意惟

賢弟抱明達之資敦忠孝之義秉心存誠好學不倦

東平河閒無以過也引睇遐邇朝夕不忘勉自愛重

谷王穗王毋弟圖不軌私告王王驚大怒罵谷王不

從密奏之成祖悅賜王黃金二百兩白金千兩鈔四

萬錠玉帶一圍衮衣九襲綺繡五十匹錦綉十匹綵  
絹千匹兜羅綿十條高麗布百匹米千石胡椒千斤  
馬十匹鞍二口以旌周公久之王來朝又賜白舍

千兩鈔六萬錠米萬石雜繒五百匹紗羅二百五十  
匹絹千匹兜羅綿六十條蘇木五千斤胡椒三千斤  
馬百五匹鞍二口者百其從官皆賚有差王四十三  
年薨子悅嫌不及王諡悼莊世子孫有墳立是爲靖  
王王八年薨亡子妃李侍姬黃自經以從弟友堦以  
羅江王進封是爲僖王王淳謹無過章帝重之疾使  
醫視王三年薨亡子保寧王悅劄進封是爲和王王

節儉飭禮王二十年薨繼妃徐氏年二十六死以從  
賜諡靜節子友垓立是爲定王王工詩善草書王一  
年薨子申鉞立是爲懷王王八年薨亡子弟申鑿以  
通江王進封是爲惠王王好學能文亦善書王二十  
二年薨子賓瀚立是爲昭王王仁好儒王十五年薨  
子讓栩立是爲成王王好學善書肅帝時以忠孝賢  
良旌二十年建太廟獻黃金六十斤白金六百斤王  
三十八年薨子承燾立是爲康王王以仁孝稱王十  
年薨今王宣圻立蜀世多賢王也

蜀獻王六子

悼莊世子悅嫌

華陽王悅耀放肆不順獻王惡之王有所愛卒王除  
爲千戶獻王大怒粹罵之曰不朝命反耶杖之百將  
械於朝世孫友埴爲請乃釋之而猶囚繫之數月會  
太宗召寇友埴於京師已行獻王薨悅耀竊發帑藏  
悉取之友埴歸不問悅耀反誣奏友埴數十事意在  
奪其王成祖召入廷辯會晏駕仁宗卽位遣按察副  
使信廉之得其誣遂命友埴嗣王召悅耀悅耀至猶  
誣奏上怒抵其奏地下遷之武岡其後以徙岷王武  
岡徙澧王薨子友埴立埴與其弟鎮國將軍友壁弗

友也天順間訟於朝上兩戒諭之錄其罪狀遍示宗室諸王墀薨子申燧立燧薨子賓涎立涎薨子讓潞不及封孫承燧立燧薨今王宣塏立長子奉銳

悅燧封崇寧不得於蜀王逃之谷王穗所谷王匿之今自稱爲建文君共舉大事王不從竟歸天除悅所封崇慶天除

和王先封保寧進爲王

永川王悅煇薨亡子王妃何殉王諡貞順除

悼莊世子三子

靖王

江王友增天除

僖王自羅江王封

蜀和王六子

定王

內江王友墻墻薨子申錡不及封孫賓沚立沚薨子讓粉亦不及封孫承熒立熒薨今王宣堦立

德陽王友城城薨子申銑立銑薨子賓灘立亡子除有宗室

石泉王友墻墻薨子申鑄立鑄薨子賓清立清薨子讓機立機薨今王承燭立



汶川王友塘薨子申銷立銷薨子賓沙立沙薨子讓薨不及封今王承焯立長子宣騫

慶符王友燦燦薨子申鐵立鐵薨子賓沾立沾薨今王讓儀立長子承炆

蜀定王三子

懷王

惠王自通江王封

南川王申鋸鋸薨長子賓忽與其孫讓檐先卒亡後王次子賓澆子讓樺嗣王樺薨子承燦先卒今王宣離立

蜀惠王二子

昭王

庶子賓溥未封卒

蜀昭王一子

成王

蜀成王一子

康王

蜀康王二子

今王

今王宣址封江安長子奉綱

今蜀王五子

世子奉銓

奉鉞封新寧未婚薨

三子奉銘未封

四子未名

五子未名

臣爲郎時蜀自王而下凡二百四十有七宗

湘王柏母胡順妃豫章侯美女而王妃則江陰侯高女也洪武十一年用皇子封國荆讀書能韻篝燈警枕囊書自隨被服儒雅兼有神仙之氣望之如玉山

晴霞而武力過人有俠氣數從楚王將兵有功建文  
初坐僞造寶鈔虐殺人降勅切責朝議發兵討之王  
怒焚其宮室美人乘馬執弓躍入火中死凡王二十  
二年諡戾國除成祖卽位追諡獻

代簡王桂初封豫後封代國大同王與蜀王同母蜀  
賢而王暴建文時廢爲庶人使如蜀觀蜀王之法成  
祖卽位復王王返國不悛永樂元年賜王書曰別久  
懷思聞吾弟縱戮取財國人甚苦告者衆矣果若其  
言吾弟大謬夫天下之人皇考四十年辛勤保養以  
遺子孫其罪合死猶當請命况乃實無吾弟審思拘

囚困辱不記建文時邪已條王三十二罪勅讓之召  
王朝王不朝再召乃朝至中道勅曰爾傲狠悖慢朕  
念同氣不遽絕面召訓爾爾拒不至再命始就道今  
其歸國省愆改行遂革去其三護衛畱較尉三十人  
從王王老矣尚時時與其子遜料遜焞短衣小帽袖  
錘斧傷人市中誘納軍民婦女入宮移怒其子遜熾  
母子出居外舍於山西行都司甚困王有妃徐甚妬  
王寵其侍女二人妃糞其口漆其身傳藥潰爛之復  
潛令衛卒仲謙誘之亡去王六十九年薨遜熾先王  
卒諡悼戾世子其子仕燧立是爲隱王隱王立追封

悼戾世子爲戾王英宗五年以代隘徙封懷仁於霍  
山陰襄垣於蒲靈丘於絳宣寧隰川於澤王惡其子  
定安博野二王請亦在徙中定安王上書不忍遠王  
英宗曰王遠子胡越人哉不許王十八年薨子成鍊  
立是爲惠王王二十四年薨子聰沐爲世子時先封  
武邑王以使酒毆樂工革爵已居惠王喪益醜淫召  
妓歌舞內使諫輒拷掠之或觸其怒以石鼓壓胸囊  
沙覆口死者數人坐降爲庶人遷太原久之惠王夫  
人爲沐理乃使以革爵武邑王稱於代亡何薨子俊  
秋立是爲懿王追封武邑爲思王嘉靖初大同卒叛

圍王宮王避之宣府已乃還王二十九年薨子充燿  
立是爲昭王王十八年薨子建琦立是爲恭王王二  
十五年薨今王胤鉉立

代簡王十一子

戾王以悼戾世子追封

廣寧王遜焜焜薨子仕茲立茲薨子成鋌立鋌薨子  
聰漢立漢薨子俊槻立槻薨子充熒立熒薨今王廷  
峙立長子胤鈞

潞成王遜炘炘薨子仕棟立棟薨子成錕立錕薨子  
聰浪立浪薨子俊稜立稜薨子充煇立煇薨今王廷

扁立長子鼎鏗

山陰王遜燧居蒲王薨子仕颯立颯薨子成鏊立鏊  
薨子聰澍立澍薨今王俊柵立王多才藝好佛數上  
書求開宗藩應舉之路長子充嬰

襄垣王遜燿居蒲景泰初以孝旌而有鷹犬之好王  
薨子仕壻立壻不孝不友有淫行成化中廢爲庶人  
弘治中以淫暴賜死國除凡以罪除者弟姪母得繼  
爵王有弟曰仕坯其子成鏊多設財爲仕坯求王仕  
坯得王未封薨成鏊立竟坐冒封除

靈丘王遜烜居絳爲人驕侈而聰敏多能精通醫道



歲疫施藥活病遇井投之民皆德王王薨子仕塲立塲事父母一日三問安父亡哀毀頓絕水漿不入口者四日成化十三年賜勅獎諭塲薨子成設立設事塲謹沒廬墓以孝旌王薨子聰瀉立瀉亦以孝旌年八十餘薨子俊格孫充煥曾孫廷址皆不及王世宗好壽考以聰瀉壽特予封址子鼎鎌爲玄長孫以寵之俊格嗜學善屬文聚書萬卷尤好古篆籀墨蹟鼎鎌爲王隆慶中坐淫州戮死曾叔祖降庶人除爵有宗室

宜寧王遜料居澤正統中王府教授楊普言王卽軍

人武賓垂殺軍人武保兒與賓博戲唯日不足朝廷  
杖治賓下書責戒王薨子仕熾立熾薨子成鈞立鈞  
薨子聰獻立獻薨子俊相立相薨今王充燦立

懷仁王遜焞居霍王與宣寧王同出母徐氏徐數入  
王宮盜其財物與二王詭言盜劫乃威逼世孫以求  
免王薨子仕燎不及封孫成鈺立鈺薨子聰淑立亡  
子以弟聰列子俊榭嗣竟以冒除封有宗室

遜焞未封卒

隰川王遜燦居澤簡王之宮人劉生一女封壺關郡  
主劉愛之時以祿米給儀賓秦安王數阻之已而簡

王出一合封識賜王啓之則無首麩人及羊肝等物  
事聞出劉王■魅虜奉英宗駕至大同王進衣衾飲  
饌王薨子仕燧立燧薨子成鈞立鈞薨子聰漢立漢  
薨子俊柏立柏薨亡子除有宗室

遜燔未封卒

代戾王二子

隱王

冒化王仕墀墀薨子成鏗立鏗薨子聰瀘立亡子除  
有宗室

代隱王七子

惠王

定安王成鑄居忻王薨長子聰滴不戚坐尼封子以下皆爲奉國將軍

博野王成鎮鎮薨子聰漆立漆薨子俊櫝立亡子除有宗室

和川王成鏗鏗薨子聰潛立潛薨子俊襲立襲薨子充焯立焯薨子廷城立城薨今王鼎鉉立嘉靖二十四年府中奉國將軍有曰充灼者聚兇徒淮等酗酒作奸坐奪祿怨望乃與襄垣府中中尉充燦謀引虜入大同殺代王以舉事淮密告其黨仲太仲太曰我

師羅廷璽來濟矣廷璽應州人故與其黨王廷策以  
白蓮教惑衆淮遂因仲太見廷璽廷璽人見稱充灼  
有天分充灼大喜因爲畫計約奉虜小王子入大同  
居之遂攻鴈門取平陽立充灼爲王將胡兵四討事  
定然後計殺小王子充灼然之先遣人陰持火箭焚  
大同積芻五六所事敗伏誅大同總督侍郎翁萬達  
疏言大同土產狹瘠祿餉不支代宗胤育日繁衆聚  
而貧且地近胡易生反側請量遷和川昌化諸府於  
山陝隙地禮部覆議改遷於山西詔曰可

寧津王成終終薨子聰滴立滴薨亡子弟聰冷立冷

堯子俊棣立俊除以父冒兄封除有宗室

棗強王成舒舒堯子聰滋立滋堯子俊棣不及封孫  
充爝立爝堯今王廷坑立

饒陽王成塗塗堯子聰澈立澈堯子俊棣不及封孫  
充焄立負才辯盛黨與嘉靖中數以事侵恭王恐得  
罪世宗念邊乃以陳言邊事爲名先暴揚鎮巡官之  
惡世宗爲逮繫巡撫何思總兵徐仁等充焄益驕遂  
與恭王互相訐奏累疏自訟利口捷給前後勘官莫  
能判巡撫侯趙奏奪其祿充焄怒不承出不遜語世  
宗遣司禮少監王瑜卽訊乃知充焄誣奏下法司鞫

名山藏

卷之三十七

二

七

高牆

代惠王四子

思王

樂昌王聰涓居朔王薨子俊福不及封孫充燻立燻  
薨今王廷孺立

吉陽王聰注注薨子俊權立二王皆以壽終今王充  
焯立

溧陽王聰軌軌薨子俊楮立楮薨子充昊不及封

代思王二子

懿王

進賢王俊橫橫薨子充炆立炆薨子廷培立亡子

有宗室

代懿王五子

昭王

河內王充熒熒薨子廷規嗣亡子除

富川王充煜煜薨子廷培立培薨子孫鍵不及封子  
孫鏃

寶豐王充炆亡子除

碭山王充焮亡子除

代昭王一子



恭王以泰興王進封

代恭王四子

今王以太平王進封

新寧王鼎鈞

萬曆三年罪革半祿

永慶王鼎鈺 鈺薨

四子幼

臣爲郎時代自王而下凡二千七百有三宗

肅莊王模母曰郅氏初封漢二十五年改封肅國廿  
建文初移國蘭王四十二年薨子瞻熾立是爲康王  
宣德八年王上二護衛天順三年求府中馬備邊予

之直不受自具上好馬五百上強直之致書褒美

四十一年薨子祿埤立是爲簡王王十二年薨子賁  
綜立是爲恭王王五十年薨子真泐博雅好文善爲  
詩不及王諡安和世子孫弼枕立是爲定王追封安  
和世子爲靖王定王王二十四年薨世子緡炯不及  
王孫紳堵立是爲懷王追封世子爲昭王懷王王二  
年薨年十七耳亡子靖王季子弼柿之子緡燿以鎮  
國將軍攝已求爲真許之祿則仍鎮國是爲懿王追  
封弼柿爲安王懿王王十八年薨今王紳堯立

肅莊王一子

康王

肅康王一子

簡王以洵陽王封

肅簡王一子

恭王以汾川王封

肅恭王六子

靖王

淳化王真泓泓薨子弼果立果薨長子縉勳長孫紳

坑

鉛山王真滯滯薨子弼幹立幹薨今王縉筍立

金壇王真洵王比小人橫於外事覺下獄當死越獄  
其子弼榷酒多犯法無禮於王王離之坐廢爲庶  
人幽高牆除有宗室

會寧王真潤潤薨子弼楹不及封今王縉劄立  
延長王真澆澆薨子弼棟不及封今王縉煖立  
肅靖王七子

長子弼桓不及封亡子

定王

鎮國將軍弼楹

鎮國將軍弼柿以子懿王追諡安

鎮國將軍弼栲

今王弼枳封開化子縉燧封長子孫紳護封長孫

今王弼棟封會昌

肅定王二子

昭王

延安王縉焮亡子除有宗室

肅懿王一子

今王

臣爲郎特肅自王而下凡二十有八宗

遼簡王植母韓妃洪武十一年封衛王二十五年改

封遼國廣寧廣寧邊虜初至樹柵而已已命郭英爲  
王宮城英督工卞上爲罷役三十年命都督楊文率  
遼東諸衛士爲之令高壯其城門以嚴虜上圖西北  
沿邊地里諭王曰自東勝以西至寧夏察罕腦兒東  
勝以東至大同宣府開平又東南至大寧又東至遼  
東又東至鴨綠江又北去不知幾千里至大漠又自  
鴈門關外西抵黃河渡至察罕腦兒又東至紫荊關  
又東至居庸關及古北口又東至山海衛凡軍士屯  
種地慎毋牧放諸王駙馬往來營駐練習防胡特示  
此圖子孫世守之王諳練兵務屢樹奇功上多褒賞

建文中坐罪奪祿成祖靖內難王有翊衛功及卽位改封王自請荊州別給一護衛而故三護衛畱防邊王四十一年薨子貴烺立王不友於諸弟待庶母寡恩姦郡主捶死長史述居國多過正統三年爲巡撫湖廣禮部右侍郎吳政所奏召王京師明年廢爲庶人守簡園而政亦以言王姦狀不盡坐調官王在位十五年弟貴燉以興山王進封是爲肅王王三十三年薨子豪城立是爲靖王靖王長子死亡子乃請以其妃妾殉憲宗曰豈不聞先帝之顧命耶王何戾也王六年薨子恩鑑以申澤王進封是爲惠王弘治五

年王散宗祿松滋王府鎮國將軍恩鑑恩錕恩錕等  
闌入府王禁拘之皆怨欲奏王王先發已儀賓鑄復  
誘恩鑑等招納羣小奪軍民商賈利王又發之則又  
怨謀殺王孝宗覆按實幽恩鑑等鳳陽謫戍諸羣小  
百餘人方送戍王陰使人挾刑牾死之斃者八十餘  
人不數日王長子無疾死歲餘王亦疽發背薨凡王  
十五年子寵浚立是爲恭王王恭默孝友王二十五  
年薨子致格立是爲莊王莊王病不視事委政毛國  
妃毛妃通書史沈毅有斷承奉王大用者佐之府中  
肅妃賢聞天下莊王王十四年薨子憲嬪以句容



王進封遼庶人也庶人爲王讀書能文肅皇帝好道  
王亦奉道謹賜號清微忠教真人予金印道經王好  
近婦女至腐鼻以赫蹠代準愛騎黑驢微服入人舍  
游戲爲禽行屢炮烙輝炙人知人所恐物則輒以所  
恐迫苦之輕辱郡國守相然實無反謀施篤臣者好  
氣多計監司荊州初朝王王羽冠見之篤臣出問宦  
官曰茲吾朝而不見王一羽士據上首何也宦官曰  
王也羽冠上賜也王府中有磬紅戶張文明者時以  
取磬紅不中王筭焉紅戶係張鎮鎮子文明爲生員  
居正父未知筭鎮或文明也  
王悅伶人妻與生子召入宮爲姬爲其子請爵狎伶

人異日饗諸大夫篤臣與王使宦官獻諸大夫酒而  
伶人亦冠宦者冠迭獻篤臣離席曰敢問髯而闖者  
也王曰寡人所狎亡八官也諸大夫皆色變酒數  
巡盡起久之遇萬壽節王假宮遙拜雨甚拜殿上故  
立諸大夫雨中良久諸大夫冠衣漬出皆更篤臣不  
更也服歸舍曰不更王有如此衣乃數數與諸大夫  
齟齬王隆慶二年巡按御史部光先奏王大罪十三  
莊帝使刑部侍郎洪朝選按之朝選知王虐故無他  
志欲出王於反篤臣乃詐王書餽朝選而因持之王  
建白燾曰訟寃之燾篤臣驚曰王反矣燾爲之招使

卒五百人日夜圍王宮朝選竟歸報王不反也獄具廢庶人幽高牆除封而王所答張文明者其子居正方以大學士貴用事嫌朝選不反王甚久之朝選廢家居居正竟屬都御史勞堪羅織朝選益死獄中居正穿父塚夷人湘獻王墳圍又久之居正死遼王母訟王寃天子竟籍居正家而篤臣亦死亡子

遼簡王十八子

貴煥母妃武定侯女天

庶人貴烜以長陽王進封坐罪廢子豪塚立塚斃子恩鈞立鈞斃子寵游立游斃子致楹不及封今王憲

煥立

庶人貴燮初封遠安王嘗與其弟巴東王貴瑄上變誣簡王反簡王薨昭帝卽位竝削爵降庶人守簡園翰林學士倪謙者其妻與貴燮母皆出武定侯謙嘗奉使遼貴燮因饋謙謀復爵而庶人之壻魏玉武縉周遠亦詣謙請爲復儀賓謙爲玉等草奏得復貴燮雖未復亦德謙寓謙物爲謙受業生章黼所知謙爲順天府考試官黼不中銜焉甚緝事較尉言之謙坐戍玉等削儀賓如舊貴燮竟除有宗室

肅王

庶人貴焯初封巴東與遠安同免

貴炖封潛江絕除

貴燁封宜都絕除

松滋王貴忻焯薨子豪堙立堙薨子恩釗立釗薨子  
寵冽立冽薨子致棣立棣薨今王憲燿立長子術經  
益陽王貴焯焯薨子豪機立機薨子恩銅立銅薨子  
寵溜立溜薨子致榘立榘薨子憲燿立燿薨子術威  
以勝子降封奉國將軍爵除有宗室

襄陰王貴焯焯薨子豪熾立熾薨子恩鎡立鎡薨子  
寵滿立滿薨子致栢立栢薨今王憲烟立

衡陽王貴熒熒薨子豪塿立塿薨子恩鐸不及封孫  
龐淹立薨亡子除有宗室

應山王貴熒熒薨子豪環立環薨子恩鐸立鐸薨亡  
子除有宗室

宜城王貴燭燭薨子豪圻立圻薨子恩銑立銑薨子  
寵濱立濱薨子致根立亡子除有宗室

枝江王貴熠熠薨子豪堅立堅薨子恩錢立錢薨子  
寵潤立潤薨子致樞立樞子憲燭不及封亡子除有  
宗室

沅陵王貴燭燭薨子豪塿立塿薨子恩鈿立鈿薨亡

子弟恩鉞以鎮國將軍進封薨子寵涑立涑薨子致  
批立貧而德

麻陽王貴煥與遼王貴烱飲酒嬉戲走馬出入小巷  
避不及者輒非禮箠擊或害傷之亡子除

衡山王貴斌亡子除

蘄水王貴燁燁薨子豪奎立奎薨子恩鉅立鉅薨子  
寵澍立澍薨子致斌立有賢聲薨子憲煜立煜今王  
術鞏立

遼肅王一子

靖王

遼靖王四子

榮穆世子恩鏞

惠王

肅寧王恩鈔鈔薨子寵汕立汕薨子致楨立王有德  
善薨今王憲燦立

長垣王恩鉀鉀薨子寵泐立亡子除有宗室

遼惠王三子

恭王

光澤王寵瀆恭王友王飲食服御珍玩文繡與王共  
凡事必咨王王博文而謹德世宗製燕弁以居賜羣



臣寇名忠靜王疏請并賜諸宗寇世宗製寇名保和  
王所積書萬卷世賜堂名曰博文王自構樓其中名  
樓曰慎獨薨子致棟立棟薨今王憲燿立

寵殿天

遼恭王三子

致備殤

莊王

廣元王致榘榘薨子憲燿立燿薨今王術堦立遼王  
廢諸宗隸楚藩王爲宗理

遼莊王一子

庶人憲燁

臣爲郎時遼凡七百有七宗

慶靖王橈母余妃初封慶陽徙韋建文初徙寧夏寧夏卑濕水泉惡韋清涼宣德初詔得往來韋避暑方孝孺言王好學有文章忠孝出天性正統中寧夏總兵官吏昭言王每受鎮守等官餽望朝王必賜酒醉之遲留出非度語且常沮訕邊務煽惑土達官民盡占靈州草場放牧孳畜遣使不從驛道反繇綏德草地往還亡何有告王閱兵造戎器購天文書王懼歸惡於昭欲徙國避之睿帝屢慰以手書在位四十八

年薨諡曰靖子秩燧嗣在位三十一年薨諡曰康子  
遂離以平涼王嗣在位九年薨諡曰懷亡子弟遂墀  
以岐陽王嗣在位十一年薨諡曰莊子寘盤以落交  
王嗣在位五年薨諡曰恭弘治中虜入塞廢王墳子  
台浚嗣正德五年王坐安化王反時稽首行君臣禮  
削三護衛之防嘉靖三年王賄於鎮守太監昕總兵  
官助求解昕助不納王銜之會寧夏衛指揮欽指揮  
錦指揮傑各以事獲罪巡撫都御史璿因藉王謀殺  
璿昕助事覺捕治欽等誣王不軌上使覆按都御史  
璿

璿

王淫暴誘致降虜兇人王內危奪門欲訟闕璿

遮止王竟削爲庶人留邸已復坐殘虐長子肅攢徙  
西安十五年以恩詔還王凡四十九年薨世子肅攢  
不及嗣庶子肅枋以桐鄉王進封追諡台法曰定王  
肅枋好學樂善能以禮飭諸宗世宗賜之勅齋金幣  
坊表之王在位二十四年薨諡曰惠子倪熿嗣在位  
十二年薨諡曰端子伸域以綏德王嗣其年薨諡曰  
憲又其明年寧夏賊哱拜反王妃方氏抱其子師鐸  
匿窖自縊死

慶靖王六子

康王

秩燾封靖寧亡子除

眞寧王秩燦燦薨子邃埏嗣埏薨子眞鑿嗣鑿薨子  
台濬嗣濬薨子肅樺嗣樺薨子倪焮嗣絕除有宗室  
安化王秩炆炆薨子邃塏先卒塏之卒也其夫人餓  
死殉子眞鑄嗣眞鑄狀貌魁梧素狂誕自喜負相者  
言當大貴使覲降神輒呼眞鑄天子眞鑄悅寧夏指  
揮周昂千戶何錦丁廣儒生孫景文史連等往來眞  
鑄所時時與飲酒酒中言我富有天下正德初劉瑾  
用事遠近流言將不利於社稷眞鑄益喜且以誅瑾  
爲名巡按寧夏都御史安惟學者苛刻人也數杖辱

將士妻將士怨之會瑾遣少卿周東履度屯田東希  
瑾意增賦責逋計畝釀資爲瑾賂寧夏諸屯皆怨實  
鑄使景文飲諸武人酒酒半景文言曰縣官日遊戲  
亡度任用中貴人瑾煬竈而意在舉火於原也今又  
遣使履畝覈軍實爲不軌資使者增賦釀賂敲扑聲  
相聞縣官寧知之乎設瑾舉大事公等皆武弁若國  
家何諸客曰然今使者追徵急吾等又多逋不知計  
所出耳景文曰安化王日夜爲國家焦心久矣其人  
非常人也今縣官委政弄閹意者天開之乎事成公  
等行藏在張玉朱能閒矣諸客皆曰善何魚肉於酷

史爲且可望富貴於是歎血相盟計使寘鐮飲諸鎮  
巡酒因而殺之會其時寧夏總兵選卒六十人備虜  
以屬周昂寘鐮因使昂與六十人通及置酒昂佯言  
虜至率六十人者甲而馳入寘鐮府殺總兵官及鎮  
守太監於席上是爲五年四月五日是日惟學東不  
至則皆分殺之遂焚案籍釋囚犯絕黃河之渡其明  
日寘鐮僭大號而副總兵楊英遊擊將軍仇鉞者兩  
人屯堡在外寘鐮召英鉞入使歸所部兵皆佯許之  
鉞先至寘鐮使單騎還舍奪其軍英聞寘鐮反則不  
至又二日寘鐮鑄討賊大將軍印一爲黃旗二十傳

檄內地僞著何錦討賊大將軍周昂左副將軍丁廣  
右副將軍張欽先鋒將軍又十三日總兵曹雄者自  
固原趨至與總兵英指揮黃正副總兵侯春參將時  
原大會靈州約鉞爲內應密布所親信卒城中又一  
日雄與靈州守備史鏞奪寘鐫所絕渡處焚大壩捲  
埽草若爲決河灌城者寘鐫懼盡出錦等禦官軍城  
外獨昂廣留又二日昧爽寘鐫祭蚩尤於郊召鉞從  
鉞念寘鐫諸將在安化城中者獨昂若稱疾必來視  
則殺之遂稱疾昂果自往鉞遂刺殺昂廣號召英卒  
馳入府殺景文連等十餘人拘寘鐫於宮爲寘鐫令



召錦還密諭錦部下等擊殺其部將而使使殺所  
應寘鑄將洗擒錦欽於賀蘭山外寘鑄舉事蓋十八  
日而敗敗而後明所遣內臣張永涇陽伯神英都御  
史楊一清帥師至乃械送之京師賜死其黨皆伏誅  
論欽功封威寧伯而賜罵寘鑄反者都督姜漢都指  
揮楊忠李睿百戶張欽等有差初寘鑄之敗也以其  
孫鼎材托僧大千者與俱亡鼎材時年十七削髮走  
河南居永寧山中未幾大千死鼎材爲土僧所陵復  
走故縣鎮詣官言狀官送之慶王所王與鎮守官以  
狀聞命傳致京師寘鑄府中人下浣衣局者使驗之

已不能辯識法司會官審訊抗言曰我高皇帝七代孫義不辱齊民歸命君上上念鼎材雖在不宥之列既自歸送鳳陽高稽安置之

岐山王秩煉亡子除

安塞王秩炁亡子除

慶康王六子

懷王

莊王

弘農王邃填信用羣小多不法填薨子寘鏞嗣鏞薨子台泮嗣泮薨子寘桴嗣桴薨子倪煥嗣煥薨今王

仲謹嗣

遂塲塲

遂塲塲

豐林王遂垸垸薨子寘鏐立鏐薨子台瀚嗣瀚薨子  
鼎樞嗣樞薨長子倪榮先卒

慶莊王二子

恭王

庶人寘鏐封鞏昌子台清先卒鏐應其妻生二女焉  
慶王台宏廢鏐視其府事裁慶王宮眷薪祿取其  
中金帛萬計慶王二子鼎樞鼎枋皆幼王愛枋惡樞

釗造王謀逆之謠使寺人引誘預口熟之常吟於府中欲圖陷王自爲豐林王台瀚仇釗訐焉坐廢幽高牆賜台清妻死庶人其二女而慶王所以徙西安時爲世宗十一年爵除有宗室

慶恭王二子

慶定王

壽陽王台濠濠薨子鼎棉立棉薨今王倪勳嗣序拜之亂晉王求降王叱之被拘圍城賊平乃出

慶定王六子

端和世子鼎欖亡後

惠王以桐鄉王封

延川王鼎楨長子倪煜

鼎樞天

鼎札

鼎梭

慶惠王三子

端王

倪矯天

華陰王倪焯焯薨子伸堦幼

慶端王二子

憲王

鎮原王伸壇悖拜之亂王欲發兵襲賊弗克賊殺王之較尉數十人

慶憲王二子

師鉉

二子幼未名

臣爲郎時慶自王而下凡二百六十有一宗

寧獻王權母楊妃洪武二十四年用皇子封大寧古會州也東連遼左西接宣府爲要鎮高帝諸子燕王善戰王善謀王以高帝命與諸王歲秋行塞成祖以

燕王會王塞上甚懼王所統塞上城九十帶甲八萬  
革車六千諸胡騎若朶顏諸夷皆驍勇善戰而其三  
護衛率中州閭左北地苦寒日夜思歸也燕王始起  
時兵少又慮寧王扼其後則嘆曰安得有大寧兵斷  
遼東助我以諸夷哉時建文帝恐王與燕王合使人  
召王王不至坐削三護衛李景隆來攻燕燕王爲書  
通王請得一至寧府中若謂窮蹙不能戰而求王草  
表請解者王許之燕王從千餘騎直趨大寧從松亭  
關後攻關王止燕王騎城外使王單騎入燕王執王  
手大勸具言所爲起兵故因求王草表王置酒與燕

王爲驩會居數日燕王令親信吏士稍稍入郭陰結諸夷會長示意閭左思歸人皆密喜如約燕王行王祖之郊燕千餘騎擁王入關諸夷會閭左一呼皆戰守將朱檻死之於是王府妃妾世子皆攜其財寶隨王還北平而大寧城一空王至燕燕王以其軍與景隆戰王居帳中時時爲燕王草檄燕王謂王曰事成分天下半及燕王爲天子王求移封請蘇曰圻內也請錢塘曰賦藪皇考以與五弟竟不果而封之周若他惟意王不能無望出飛旗令有司治馳道欲有所之上大怒王懼從數騎馳入南昌稱病止城樓上上



乃以南昌封王已人告王誹謗巫蠱事竟已自是不  
敢有求請覆殿餽甌用瓦而已不琉璃而構精廬一  
區蒔花藝竹鼓琴讀書其間用是得終成祖世仁宗  
宣宗朝王自謂尊叔父數有請然數見拒他日求鐵  
笛焉宣宗曰笛滌也與之王白哲美髯負氣好奇嗜  
學博古自其髫髻時自稱大明奇士老號癯仙弘獎  
風流儒雅之士竝得游從高帝時奉勅輯通鑑博論  
三篇他又作家訓國範垂示子孫盟諸社稷山川之  
神不守訓範明神殛之所論著及于卜筮脩煉琴奕  
諸書手製博山鑪及古瓦硯皆極精緻凡王五十八

年堯子盤斌孝友仁厚有淵審之譽不及封諡莊惠  
世子孫奠培嗣是爲靖王追封盤斌爲惠王靖王敏  
學贍才恣睢罔利嘗有所囑於布政使崔恭恭不從  
誣奏之恭奏王慘酷貪淫私二王所遺宮人護衛軍  
生女不令嫁長收之逼內官壁使自盡覆案實坐奪  
護衛天順二年也成化十一年又與石城王奠堵交  
惡互訐奏奠堵言王焚燬祖父有出宮人二屍不修  
祖廟公姑子婦同案奉安於齋宮迫死郡主使女四  
人事皆實被勅責王四十三年堯子觀鈞立是爲康  
王王六年堯子宸濠立是爲寧庶人庶人母馮針兒

故娼也將生靖王夢蛇啖其室旦鴟鳴惡焉曰舉子  
邪溺之庶人母易庶人以他女久之詭言王他姬生  
男見庶人於王庶人輕佻無威儀警害多智烝淫奸  
暴而善以文行自飾既爲王多養方士邪人出入府  
中蓄謀爲不軌術者自然言庶人祿命骨相天子也  
庶人輒喜堪與人日芳言城東南有天子氣庶人造  
陽春書院僭號離宮當之西山龍口穴故禁管塚庶  
人葬母焉穀皇帝末年未子羣臣數請召宗室子預  
子之庶人子疎非次願深結左右上前稱其賢庶人  
念府中護衛久失行金中貴人劉瑾復之瑾誅復失

府中閣劉吉前都御史李士實爲庶人謀行金兩雙  
人錢寧臧賢及兵部尚書完等復護衛如故庶人介  
諸文武吏以臣見不輒困辱之大出息民間責子錢  
釋騷強奪人田產主奸爲盜按察副使胡世寧言庶  
人過於朝庶人怒行金中貴人及諸津要世寧坐繫  
再經冬減死謫戍李士實言舉人劉養正於庶人庶  
人招之養正爲庶人密語臣近者見帝星明江漢心  
竊疑幸得奉大王之風命世撥亂才也善自愛因數  
數爲庶人講論宋時陳橋事

養正安福人嘗舉奇童  
會試時誤入飛語遂不

復應服隱士服部使慕其高名誤門得面  
爲幸聞宸濠變就繪爲羣妾所守不得

庶人益招

納亡命財勇暗通狼兵峒蠻入廣多市革張造甲作  
器械後園益養鸞鴨以亂椎鑿之聲庶人有求不得  
必使盜屠其家佃戶增等不出額外稅殺其家至百  
餘人火其室都御史孫燧副使許逵捕盜繫之庶人  
劫獄取去途遮津關布置船馬偵上動靜旬日一報  
聞盤驗有言其府中事者截不得奏典寶閻順內官  
陳宣劉良閒行詣闕上變庶人疑其承奉儀典仗武  
教之殺儀武家數百人南昌人御史儀欲上變不敢  
庶人數橫虐之庶人謂上之數巡遊也後宮之未子  
也使其卒華饋錢寧減賢金求取中旨召其子司香

太廟錢寧言上用異色龍牋加金報賜異色龍牋者  
故事所賜監國書箋也寧別私報庶人金玉帶各二  
闊裝七寶帶一奇鏘絲一詭曰上賜庶人大喜列牙  
受賀令其國僚衣緋四十餘日乃復開館講學求諸  
生父老奏闕下稱其孝且勤當是時邊將江彬新得  
幸太監張忠欲附彬傾兩嬖人乘間言上錢寧臧賢  
盛稱寧王者陛下謂何如也上曰薦文武百執事可  
任使也薦藩王何爲者張忠曰陛下言之是雖奴輩  
亦知之且賢等稱寧王孝譏陛下不孝耳稱寧王勤  
譏陛下不朝耳兩人所譽王萬方臣不能測其意上

曰然下詔索逐王府人毋留闕下寧卒華匿臧賢所  
賢家故重轅屏廚鑰空後達巷華從廚後亡去孫燧  
謂許達曰寧著矣朝廷不省奈何許達曰寧之先謀  
行路知之公文武重臣得號召所部羽翼未具先發  
擒之卽以成功天下之人莫不相信豈待剖心折肝  
哉孫燧曰事未發治有詞謹備而已乃繕城隍儲糧  
糗徙六仗外局會南昌人儀者出入張銳所爲銳言  
庶人反狀銳使授意御史蕭淮淮遂上章劾庶人上  
使太監賴義駙馬崔元都御史顏頤壽奉詔入寧使  
獻還故所復護衛屯田與所侵奪官民田土斷絕亡

命賊毋出入府中武宗十四年六月也始宸濠爲逆謀徒幸宮車日夕晏駕子得嗣又意車駕幸江南至南昌計犯乘輿不欲已出叛逆名及聞義等且至大驚召吉養正等謂曰昔荆王有過明使使徵之王竟死西內其及乎不如先也劉養正曰月十三日是爲大王覽揆之旦鎮巡三司官且入壽王有譙旦且謝因其入謝擒之彼恐誅必服不服卽誅之耳而發兵反皆曰善旣譙諸官且謝宸濠盛設兵衛出露臺齋膺高足曰高皇帝不血食十四年於茲矣孝宗無子誤子民間子以莒滅卽豈義也哉皇太后女中湯武



也有密旨詔我起兵伸大義天下若等知之乎都御  
史燧曰旨安在出觀之庶人曰母多言我往南京爾  
保駕否燧曰天無二日民無二王又誰駕耶副使許  
達挺而前曰賊妄言求死孫公孫公何不罵遂大罵  
庶人戟手怒曰是不知大義使縛燧達曰孫都御史  
朝廷大臣爾得縛耶顧燧曰昔公不先今乃後矣連  
聲罵反賊反賊力士折燧臂曳燧達殺之惠民門外  
懸首城杆其時同謝者或從或默庶人皆械繫之參  
議黃宏促繚絕脰戶部主事馬思聰發憤不食皆死  
宸濠因自立爲皇帝僞授李仕實太師劉養正國師

劉吉太監其它各拜僞職有差改年順德移檄內外  
指斥乘輿宣言所以起兵意王妃婁氏泣止不聽集  
兵四萬餘號稱十萬命其將欽與素所蓄羣盜略九  
江南康破之時江西守臣或執或遇害或獨守孤城  
不能軍寧兵益焚劫屠戮會福建卒叛汀贛都御史  
王守仁奉勅往撫道豐城聞變乃與吉安知府伍文  
定便宜檄諸郡兵於是臨江知府戴德孺袁州知府  
徐璉贛州知府邢珣瑞州通判胡堯元等及諸縣令  
皆以兵來赴宸濠已使宜春王拱樛守南昌而自將  
兵攻安慶守仁大會於樟樹約急攻南昌使宸濠反

棟之遂引兵出豐城別使奉新知縣劉守緒破其伏  
兵墳厰乘勝抵南昌城下梯絙入宜春王與太監銳  
等千餘人皆就擒寧眷屬自焚死宸濠聞之果欲棄  
安慶歸李士實曰大王起兵固將據南京循淮泗上  
中原爲南面之規今已自脫窟穴又反顧焉小哉王  
之行師也宸濠不能用竟歸王守仁謂諸將吏曰宸  
濠軍鋒雖銳所過徒焚劫屠戮未嘗遇大敵與奇正  
相角所以鼓動其下人者不過以進取封爵啗而餌  
之今師出輒歸士心攜沮乘而逆擊之將不戰自潰  
諸將吏皆曰善乃使伍文定等各以精兵五百人分

道進指揮余恩以精兵四百誘致之湖上繼至者撫  
州知府陳槐使以精兵百餘與胡堯元等張疑設伏  
宸濠軍樵舍伍文定前之余恩繼之邢珣繞之徐璉  
戴德孺翼之旣戰文定恩之兵佯北寧追恩邢珣從  
後中斷寧兵爲二文定恩乘之璉德孺合勢夾攻四  
面伏兵呼噪大起寧遂大潰擒斬二千餘級溺者萬  
數其夜宸濠以不利退保黃石磯問篙工曰何地也  
對曰黃石磯宸濠惡其音斬之黃石磯者王失機也  
明日宸濠出金屬士盡發九江南康守城兵以益師  
而是時饒州知府林瑛廣信知府周朝佐建昌知府

曾嶼亦先後引兵至守仁乘閒使陳槐合林城攻九江曾嶼合周朝佐攻南康而身與宸濠遇明兵稍却守仁斬却者頭伍文定立銃炮之間鬚燎不退炮及宸濠之舟遂大敗擒斬二千餘人宸濠夜退保樵舍旦復大出金勞士責不受命者將斬之爭論未決諸道兵奮擊已集焚其貳舟烟焰漲天死者蹈藉宸濠與其妃嬪泣別皆赴水死水淺宸濠不死萬安知縣王冕執之并其世子郡王將軍儀賓及李士實等數百人斬獲三千餘級溺者約三萬餘衣甲財物與浮尸積聚橫亘如洲當宸濠之舉事也索兵南昌局無

有乃括民間釜耒爲兵器二十日始就而進賢安義諸縣故無城皆以孫燧先繕城得保云宸濠自舉事至敗蓋五十餘日其始刑牲祭天儿折牲覆封宸濠爲九江王使前驅舟發雷雨震宸濠死焉是時天子自稱大將軍巡邊聞宸濠反下詔暴寧罪告宗廟革宸濠爲庶人逮繫尚書完嬖人寧賢等籍其家議親征諸臣諫不聽江彬張忠皆從臾上上自稱奉天征討威武大將軍鎮國公邊將江彬許泰朱暉中貴張永張忠等皆稱將軍至良鄉守仁之捷至却不受使還至南京以聞車駕入南京忠泰等請再縱宸濠鄱

陽湖上親遇擒之而後奏凱使張永先行止寧俘守仁已至杭以俘與永獻行在天子竟已再縱之命使永受俘杭州張忠許泰朱暉等皆欲掩守仁功請領北軍萬餘再入南昌至則忠自稱天子十兄弟泰曰我威武副將軍天子同官也暉曰我姓朱天子子伍文定出迎忠叱縛繫之於是誣守仁故黨遂勒兵夜備以疑動朝廷造飛語怒北軍北軍皆呼守仁名謫罵亡忌守仁視舍賜食急病弔喪乃皆喜它日忠泰爲守仁置酒閱射南軍射多不中強守仁三中之北軍皆爲守仁嚴鼓忠泰乃罷酒班師張永之俘至天

子出國門從車具軍甲楯弓劍隊俘駕前若爲親衛也而奏凱者其冬車駕還京囚庶人檻車送車之卒從容嘆曰吾儕小人朝得錙銖夕則無所復思大王剖符裂土號親藩富貴矣何反也宸濠仰天歎曰悔之後矣而待公言而待今日哉吾家婦人亦能知之夫紂用婦言亡我以不用婦言亦亡因爲卒具道婁妃所爲止反狀泣數行下天子旣至通賜庶人自裁燔屍揚灰諸預謀者皆繫獄卽江西以王守仁爲眞都御史伍文定按察使邢珣右參政餘論叙有差肅皇帝卽位誅所繫獄者繪形示天下而贈孫燧許



遠爲禮部尚書賜之諡祠胡世寧積資兵部尚書守仁積資南兵部尚書封新建伯而寧國遂除嘉靖四年弋陽王拱欝等上言獻王惠王四服子孫所共祀非宸濠一人自出如臣等俱得甄別職守如故而二王以臣等祖不獲廟享臣竊痛之疏三上上命弋陽王以郡王奉祀獻惠樂舞齋郎之屬半給之

寧獻王五子

莊惠王

庶人盤燁封臨川天順四年以僭侈壓呪爲其子奠埡所告坐發守鳳陽祖陵以奠埡告父亦發守寧獻

王墳與瑜生宸瀨宸瀨生拱榘皆不叙嘉靖十五年  
許叙爲鎮國中尉旋以罪除

宜春王盤姚姚薨子奠姑嗣姑薨子觀鐔不及封孫  
宸澮嗣澮薨子拱榘嗣坐爲宸濠監軍自殺除有宗  
室

新昌王盤炷薨亡子除

信豐王盤煥年十九薨亡子妃劉氏自經以殉賜諡  
貞烈除

寧惠王五子

靖王

名山藏

卷之三十七

分藩記

三

瑞昌王奠墀墀薨子觀錫嗣錫薨子宸瀨不及封孫拱柝嗣宸濠黨除有宗室

樂安王奠壘壘薨子觀鑑不及封宸湔嗣湔薨子拱權嗣湔樸訥鮮慧而權有文辭薨今王多煥嗣

石城王奠堵與寧王奠培交惡王薨子觀鏞孝友慈惠不及封孫宸浮嗣浮有母弟宸浦庶母兄宸潤弟宸灑皆淫縱多殺人而潤灑以異母弟故與浮浦不相能弘治十二年互訐奏與潤竝降爲庶人灑浦革祿米嘉靖二十四年予浮寇帶歲祿三之一卒亡子除而宸浮之弟有鎮國將軍宸泮者爲人方正宸濠

欲屈之不得數使人私火其居而諷諸宗資佐之以示惠宸浮辭不受宸濠敗宸浮得免有宗室

弋陽王奠璫故與靖王有嫌天順間錦衣指揮遠杲數使較尉察事中外較尉妄言王丞其母英宗貽書靖王特遣右副使廣駙馬都尉栢與杲按勘靖王外奏亡有而內實嫌王上怒責問杲杲言有之上賜王母子自盡昇尸出焚雷雨大作平地深數尺父老驚愕皆歸罪杲而不知王志也然王亦嘗予府中典膳策金毒死其內使二人策不敢以聞故被譙讓子覲鏹幼以父得罪久不敢請封憲宗卽位復之薨子宸

炳嗣薨子拱積嗣積以賢聞宸濠伏誅朝命統府事  
薨子多焜嗣多焜和孝文雅亡子除有宗室

寧靖王三子

康王

鍾陵王覲錐弘治中自陳驍勇善騎射願備將帥身  
報國兵部尚書馬文升奏弓馬騎射非宗藩所宜鍾  
陵王誠自愛宜讀書近儒生上可其奏十八年爲宸  
濠所陷以罪除有宗室

建安王覲鍊善名理寧庶人叔父也庶人數召王隅  
坐而與之言王爲庶人言樂屢遷其坐至前他日庶

人鍼坐而召王言樂遷前不得他日又使召之曰王  
席之根深請辭庶人反王不及於禍王薨子宸滿嗣  
滿薨子拱楨嗣楨薨今王多櫛嗣長子謀攏

臣爲郎時寧

岷莊王梗母曰周妃以洪武二十四年封國岷州二  
十八年以雲南新附必親王往鎮改雲南上以國新  
民勞爲樓亭居王待時節力而後作王宮建文初削  
諸王護衛西平侯沐晟伺王過言於朝坐廢爲庶人  
囚之流漳州其輔導護衛皆誅死靖難初復王王謂  
西平侯媒孽之與之交惡上賜書諭王名戒晟王叔

印章殺官吏激變夷人驕橫不改上怒奪王冊寶尋  
念王建文中久幽復之賜之勅曰昔皇考封建諸子  
賜之冊寶建文時爾被收拘囚困久矣朕復爾爵召  
還京師爾宿留不至乃恣行威福擅拘方面印信殺  
戮官屬使軍民變夷驚疑不安召至京師語言悖慢  
殊無敬君事長禮有事宗廟之日沉湎酣醕無所顧  
藉至對闕豎則俛首下氣如此尚可有爵土耶特略  
爾過俾守舊疆尚改行易慮進學脩德母作匪彝敬  
哉岷王終不改己革其三護衛仁宗卽位徙王武岡  
弘治中訐奏武岡州劉遜賴徐溥抹免王在位六十

三年薨世子徽煖不及王次子徽燦立是爲恭王凡十二年薨子順王音堃立凡十六年薨子簡王膺鉅立膺鉅居順王喪日與羣小飲博承奉劉忠輒禁制之他日膺鉅醉碎忠首痛毆之鎖之膳房二旬謀於較尉義較尉寧毆殺之事聞并得其姦父妾母狎羣小索賄賂等事革冠帶停封是爲成化十九年居四年乃得立立凡十三年薨庶長子彥汰以弘治十七年自江陵王嗣王王能詩畫嘉靖四年坐幽囚嫡母革爲庶人十二年與冠帶十五年以恩詔復王是爲靖王凡四十一年薨子康王譽榮立凡七年薨今王



定耀立世子幹跬

岷莊王五子

世子徽焮焮與奄告其弟焮誣毀仁廟宣宗召質之皆虛斬奄而遣焮歸國

恭王

江川王徽焮居寶慶薨子音坡嗣音坡無子弟音墊嗣墊薨今王膺錢嗣

庶人徽焮封廣通庶人府中家人段友洪者數以技術進庶人爲庶人言致仕後軍都事于利賓善相庶人見之利賓言庶人有異相當主天下今歲舉事大

利庶人悅之遂造轟王金寶靈武欽武二侯銀印改元玄元作勅書分遣友洪及蒙能陳添齋印金幣入苗蠻峒封都版寨苗首楊文伯爲靈武侯天柱寨苗首金龍爲欽武侯并以銀牌賜橫嶺峒苗首吳英頭等誘使起兵來攻武岡文伯等不敢受友洪等爲鎮南王徽燦所執巡撫都御史李實以聞遣駙馬都尉敬內官琮徵庶人京師而湖廣總兵官保定伯瑤亦言陽宗王徽熾與通謀亦徵入方燦熾被徵時峒苗至爲官軍所擊敗旣廷鞠竝降爲庶人幽高牆除爲

景泰二年

庶人徽燭封陽宗

岷恭王二子

順王

南渭王音壑居永州薨子膺鑼封長子次子膺釵封  
鎮國將軍膺鑼陰賊不道丞王宮人常箠死人或縛  
柱射之讎諸弟殺庶弟膺鈔母通其妻趙王使膺鈔  
別居以避之膺鑼誣趙通他人逼使自縊圍膺鈔踰  
垣免從永州守奏聞覆按實幽膺鑼高牆王宮人所  
與烝者皆賜死弘治四年也亡何王薨膺釵視府事  
正德中以膺釵子彥濱嗣王世宗聞彥濱賢書名御

屏薨子譽椿嗣譽椿讀書有行誼湖南饑有數十人盜王困王指困以與盜絕除

岷順王六子

簡王

建昌王膺鋪以孝聞成化十年賜獎諭王薨子彥濬嗣濬薨子譽櫛嗣櫛薨子定烷以鎮國將軍未封卒孫幹理

充城王膺錕王凌母擊兄居父喪酣飲禱城隍不驗箠燬之有忤者輒剪其鬚髮成化二十二年廢爲庶人幽高牆除

黎山王膺鈇鈇薨子彥漢嗣漢薨子譽枚嗣枚薨子定羨嗣羨薨長子幹礪

沙陽王膺鈇鈇薨子彥淵嗣絕除

唐年王膺錄錄薨子彥淵嗣長子譽樂絕除有宗室  
岷簡王三子

靖王

南安王彥泥嘉靖四年坐內亂呪咀魘魅通苗夷行劫奪降庶人幽高牆爵除彥泥既久幽其子譽林請棄祿入養上寢其奏

南豐王彥激激薨今王譽桐長子定燮

岷靖王六子

康王

善化王譽桔以賢聞王薨子定煥嗣煥薨子幹埤嗣  
長子企鉅

建德王譽挺挺薨子定炯嗣炯薨長子幹塏長孫企  
鏗

漢川王譽榛以賢聞王薨子定烱嗣

遂安王譽樾絕除

長壽王譽梧絕除

岷康王六子

名山藏

卷之三十七

分補記

三

宋煊未封卒

今王

綏寧王定光長子幹址

南漳王定燿絕除

祁陽王定燿長子幹珪

廣濟王定燿長子幹腫

今王三子

青林王幹垣絕除

世子幹跬以南昌王改封

常寧王幹坤

臣爲郎時岷自王而下凡百九十六宗